

Ini Denu Sa

MEDOO TEGEKUKUM

Migsabà Sa Tanà Islaél

Ini Denu Sa Libelu Tegekukum

Na, iya sa tinulon diyà siini sulat sa egkebaelan sa medoo tegeIslaél edung egoh da anay neketepel sa tanà Kanan taman sa egoh da mighemilì sa datù da. Egoh iya, duen medoo ulu-ulù da ginelal i Nemula nesetugdugtugdug pinengadanan da tegekukum, owoy takaan da eg-uwit sa medoo duma da amuk gumila da diyà sa medoo kuntelà da. Na, si Samson sa sebaen ulu-ulù da ginelal i Nemula miglag.

Iya sa igtulù diyà siini libelu, amuk epangunut sa medoo tegeIslaél diyà si Datù Nemula, mepion doo sa keugpà da. Dodox amuk endà epangunutan da duu, nehaa da sa dakel kelikutan. Apiya di pa endà epangunutan da duu owoy dakel ma sa kelikutan nehaa da, tapay doo ungayà i Nemula umaluk kenagda amuk mesenulé da owoy amuk migtuu da dema diyà kenagdi.

Na, beken sa langun kagi di sa nekesulat diyà sa kagi Menubù.

Ini Sa Pesuwan I Nemula Endà

Dé Migtabang Sa Medoo TegeIslaél

2 ¹Na, mig-angay sa
Egsugùsuguen i Datù
Nemula^a diyà sa menuwa
Bokim kedu diyà Gilgal, enù ka
duen sa ikagiyen di diyà sa
medoo tegeIslaél. Guwaen di,
“Linaun ku kiyu kedu Igipu dò,

owoy inuwit ku ma kiyu dahini
diyà siini tanà igaipasad ku
ibegay diyà sa medoo tupù yu.
Owoy mig-ikagi a endà tipayen
ku duu sa nesepasadan ta.
²Hinawidan ku kiyu anì endà
mesepasad yu sa medoo tapay
etaw eg-ugpà diyà siini tanà.
Igsugù ku polo keniyu ipelukat
sa medoo atung kenà da

^a 2:1 Beken sa liyu eggsugùsuguen i Nemula ini i, dodox tigtu Nemula. Egoh anay egoh i Hésus endà pa migtebow diyà tanà, medoo gulè mig-angay Datù Nemula i egtelabuk diyà sa etaw. Sa Eggsugùsuguen i Datù Nemula sa ngadan di amuk egtelabuk diyà sa etaw.

eg-ulow sa ibegay da diyà sa medoo egpenemulawen da. Dodoo endà egpangunutan yu duu iya wé igsugù ku keniyu. Maen di ya endà egpigtuuwen yu duu aken? 3Huenan di, ini sa ikagiyen ku diyà keniyu ini egoh di. Endà dé tabangan ku duu kiyu humemaga sa medoo tegeKanan amuk sumeilud-ilud yu. Dodoo edung ini egoh di, kuntelaen da dé kiyu lagà da sa dugi diyà sa kabigan yu. Owoy lagà katal ma diyà keniyu sa medoo egpenemulawen da.”

4Na, egoh sa medoo tegeIslaél migdineg iya wé inikagi sa Eggsugùsuguen i Datù Nemula, migsinegaw da temù. 5Huenan di, pinengadanan da Bokim^b iya wé kenà da. Agulé inulow da sa medoo hinagtay inimatayan da enù ka egpegeniyen da sa kepeuloy i Datù Nemula diyà kenagda.

Ini Sa Egoh I Hosuwa Nematay

6Na, pineipanaw i Hosuwa sa medoo tegeIslaél owoy eg-angay sa uman segeumpung egkuwa sa hagda baed tanà diyà sa tanà Kanan. 7Na, egoh i Hosuwa nehagtay pelawà, egpangunutan doo sa medoo

tegeIslaél Datù Nemula i. Owoy egpangunutan da ma taman sa egoh da nehagtay pelawà sa medoo ulu-uluh mighaa sa langun egkegaipan etaw binaelan i Datù Nemula diyà sa medoo tegelIslaél. 8Agulé nematay Hosuwa i anak i Nun sa sinaligan i Datù Nemula. Melatuh sepulù gepalay sa kelukes di egoh di nematay. 9Iglebeng da diyà sa hagdi baed tanà dutu Timnat-Silah diyà sa getan-getan diyà sa uwang tanà sa medoo tugod i Ipelaim, denu belabagan sa Getan Gaas.

Ini Sa Egoh Da Migsabuh Egpenemula Si Datù Nemula

10Na, egoh da i Hosuwa nematay owoy sa medoo duma di nesetepengtepeng kelukes, iya daen sa nesamà sa medoo batàbatà endà neketig da si Datù Nemula owoy endà ma netiigan da duu sa medoo mepion binaelan di diyà sa medoo tegeIslaél. 11Huenan di, binaelan sa medoo tegelIslaél sa medaet diyà sa kehaa i Datù Nemula owoy pinenemula da polo sa Baal.^c 12Migsabuh da dé egpenemula si Datù Nemula, sa Nemula egpigtuuwen sa medoo

^b 2:5 Diyà sa kagi Hibelu, etaw eggsinegaw sa selepangan sa kagi Bokim.

^c 2:11 Siini Baal sa nemula egpigtuuwen sa medoo tegeKanan owoy sa medoo liyu etaw medapag diyà kenagda. Iya sa penemdem da, maama sa nemula da Baal owoy kagdi sa egpeobol sa medoo bayi owoy sa medoo hinagtay da ma. Huenan di, medoo sa kadupangan egbaelan da amuk egpenemulawen da si Baal.

tupù da owoy sa mig-uwit kenagda kedu Igiptu dò. Mig-edung da polo egpenemula sa medoo egpenemulawen sa medoo liyu balangan etaw eg-ugpà medapag diyà kenagda owoy miglikued da diyà sa taengan da. Huenan di, tigtu egpebuliten da Datù Nemula i 13enù ka ininiyugan da kagdi i owoy egpenemulawen da polo sa Baal owoy sa Astalot.^d 14Na, danà sa kebulit i Datù Nemula sa medoo tegeIslaél, huenan di pinandayà di dé kagda anì tumaban sa medoo kuntelà da tegepengayaw owoy anì mepeka da ma sa medoo langun taman da. Tigtu endà duen megaga sa medoo tegeIslaél sumegumalang. 15Uman mangay da gumila, egkuntelaen i Datù Nemula dema kagda anì tabanan da, lagà mendaat sa inikagi di diyà kenagda egoh di migpasad diyà kenagda. Huenan di, egkepasangan da temù.

16Na, apiya di pa eg-indawen i Datù Nemula sa medoo tegeIslaél, duen doo sa medoo ulu-ulu ginelal di anì umaluk kenagda kedu diyà sa egkegaga sa medoo tegepengayaw. 17Dodox tapay doo endà egdinegdineg sa medoo

tegeIslaél diyà sa medoo ulu-ulud da. Ininiyugan da Datù Nemula i enù ka egkeiyapan da polo egpenemula sa medoo liyu egpenemulawen da owoy pineulan da ma sa kepangunut da diyà sa medoo uledin i Nemula pinangunutan sa medoo tupù da. 18Uman dumuen sa ulu-ulud da gelalen i Datù Nemula, tabangan di anì mealukan sa medoo tegeIslaél kedu diyà sa medoo kuntelà da taman sa egoh di mehagtay pelawà sa ulu-ulud da. Enù ka eghiduwani Datù Nemula doo kagda danà da migdolong-dolong egoh da nepasangan danà sa dakel lihay da. 19Dodox amuk mematay dé sa ulu-ulud da ginelal i Nemula, pelikù dema sa medoo tegeIslaél diyà sa tapay adat da owoy uman pa dema medaet sa egbaelan da diyà sa kedaet binaelan sa medoo tupù da. Egpenemulawen da dema sa medoo liyu egpenemulawen da owoy eg-uman da egbael medaet enù ka metegas sa ulu da. 20Na, danà iya wé binaelan da, egkeumanan sa kebulit i Datù Nemula diyà sa medoo tegeIslaél. Guwaen di, “Tigtu migtipay siini medoo etaw diyà

^d 2:13 Siini Astalot ma sa egpenemulawen sa medoo etaw egpenemula si Baal. Diyà sa penemdem da, bayi sa nemula da Astalot. Diyà sa uman kenà da egsimbà diyà sa Astalot, duen sa igbugsud da inetaw Astalot.

sa nesepasadan k  sa medoo tup  da, owoy end  ma egpangunutan da duu sa igsug  ku. 21Huenan di, end  d  hemagawan ku duu sa medoo nesam  tegeKanan eg-ugp  pelaw  diy  siini tan  egoh i Hosuwa nematay. 22En  ka ipeukit ku diy  kenagda sa ketepeng ku sa medoo tegeIsla  an  mehaa amuk tuu sa kepangunut da diy  sa uledin ku amuk  h  mendaan sa kepangunut sa medoo tup  da.” 23Huenan di, pinanday  i Dat  Nemula sa keugp  sa medoo tapay etaw nesam  dahiya sa end  pa tinabanan i Hosuwa duu owoy end  ma eghemagawan di duu kagda mapes.

Ini Sa Egoh Da I Dibolah Owoy Si Balak Migtaban Si Sisala
(Tegekukum 4:1–16)

4 1Na, egoh di nematay Ihud i sa sebaen ulu-ulu ginelal i Dat  Nemula, migbael dema sal  sa medoo tegeIsla  diy  si Dat  Nemula. 2Huenan di, pinanday  i Dat  Nemula Habin i, sa dat  tegeKanan diy  sa menuwa Hasol, an  end  mekeatu sa medoo tegeIsla . Iya sa ulu-ulu sa medoo sundalu i Habin si Sisala kedu diy  sa menuwa Halos t diy  sa tan  etaw beken Hudiy . 3Na, duen siyow gatus kalitun putow i Habin sa atung eggamiten di

eggila. Na, tigtu pinelihay di tem  sa medoo tegeIsla  taman duwa pul  gepalay. Huenan di, migpegeni da dema tabang diy  si Dat  Nemula.

4Na, egoh iya, si Dibolah sawa i Lapido sa bayi tegesugkow kagi i Nemula owoy kagdi dema sa nekesetugdug ulu-ulu ginelal i Nemula eg-ipat sa medoo tegeIsla . 5Iya sa adat di, tak  egpenuu diy  sa pesu kayu pinengadanan da Kayu i Dibolah diy  sa neseteliwadaan sa menuwa Lama owoy menuwa B t l  diy  sa getan-getan sa uwang tan  sa medoo tugod i Ipelaim. Mig-angay sa medoo tegeIsla  diy  kenagdi an  ipeantang da sa kesesigbolowoy da.

6Na, sebaen agdaw igsug  i Dibolah Balak i anak i Abinoam kedu diy  sa menuwa Kades diy  sa uwang tan  sa medoo tugod i Naptali. Egoh i Balak migtebow, mig-ikagi Dibolah i diy  kenagdi, guwaen di, “Ini sa igsug  i Dat  Nemula sa egpigtuuwen ta, guwaen di diy  keniko, hemil  ko sa salags  sundalu diy  sa umpung tugod i Naptali owoy sa umpung tugod i Sabulon, owoy uwit ko kagda angay diy  sa Getan Tabol. 7En  ka pegetungen i Nemula Sisala i sa ulu-ulu sa medoo sundalu i Habin an  gilawen di kiyu diy  sa lawa t wayeg Kison, lapeg sa medoo sundalu di owoy sa medoo kalitun di atung

eggamiten di eggila. Dodoo ipelugpì i Nemula doo kagda diyà keniyu.”

8Migsagbì Balak i diyà si Dibolah, guwaen di, “Mangay a doo amuk munut ka diyà kenak. Dodoo amuk endà munut ka, endà ma mangay a dutu.”

9Mig-ikagi Dibolah i, guwaen di, “Amuk hediya, munut a doo diyà keniko. Dodoo endà meolò ka etaw enù ka beken kuna sa peimatayen i Datù Nemula si Sisala. Bayi polo sa mekepatay kenagdi.” Agulé mig-unut ma Dibolah i diyà si Balak eg-angay diyà Kades. **10**Agulé sinetipon i Balak diyà Kades sa umpung tugod i Naptali owoy sa umpung tugod i Sabulon. Hê, duen salagsà sundalu mig-unut diyà kenagdi, owoy mig-unut ma Dibolah i.

12Na, egoh i Sisala tinulonon etaw dutu Getan Tabol dò Balak i anak i Abinoam, **13**sinetipon i Sisala sa siyow gatus kalitun atung eggamiten di eggila owoy sa langun sundalu di ma. Mig-ipanaw da kedu diyà menuwa Halosét mangay diyà sa lawa't wayeg Kison.

14Agulé mig-ikagi Dibolah i diyà si Balak, guwaen di, “Ipanaw yu dé angay gila enù ka peatuwen i Datù Nemula kiyu diyà si Sisala ini egoh di. Si Datù Nemula sa humuna diyà keniyu anì tumaban yu.” Agulé miglunzel Balak i owoy sa salagsà sundalu di diyà sa Getan

Tabol. **15**Hê, egoh da i Balak maggila kenagda, igpelugpì i Datù Nemula Sisala i owoy sa medoo sundalu di ma. Hê, miglaway Sisala i kedu diyà sa kalitun inedaan di owoy migletu egpelaguy. **16**Dodoo linohot da i Balak sa medoo sundalu egpelaguy mig-edà kalitun taman nekeuma da diyà sa menuwa Halosét owoy inimatayan da sa langun sundalu i Sisala. Apiya sebaen, endà duen sa nesamà.

4: 17–24 *Na, egoh sa langun sundalu i Sisala migpelaguy, miglidung Sisala i diyà sa kemalig i Hibél. Agulé egoh di neketudug danà di neliteg, inimatayan i Hayél sawa i Hibél. Huenan di, neketuu dé iya wé tinulon i Datù Nemula beken si Balak sa nekeimatay si Sisala, dodox bayi polo.*

Ini Sa Egoh I Nemula Miggelal Si Gidiyon Kaunutan Da

6 **1**Na, migbael dema salà sa medoo tegeIslaél diyà si Datù Nemula. Huenan di, igpelugpì di kagda diyà sa medoo tegeMidiyan taman pitu gepalay. **2**Endà duen egkegaga sa medoo tegeIslaél egsulì diyà sa medoo tegeMidiyan egpelihay kenagda. Huenan di, miglidung da diyà sa takub diyà sa getan-getan ataw ka sumalà dé sa kenà da eglidung. **3**Uman humemula sa medoo tegeIslaél sa medoo balangan

eghemulaen, tumebow dema sa medoo tegeMidiyan owoy sa medoo tegeAmalék owoy sa medoo liyu balangan etaw kedu diyà sa tanà denu tebowon agdaw enù ka gilawen da kagda. 4Mig-angay da egpetigdeg kemalig dahiya owoy tigtu pinedaetan da ma sa langun hinemula sa medoo tegeIslaél taman sa uwang menuwa Gasa. Pineka da ma sa langun hinagtay sa medoo tegeIslaél, huanan di endà dé duen sa kenà da kumuwa sa kehagtayan da. 5Takà egsetebowtebow sa medoo tegeMidiyan lagà sa medoo kasuk. Inuwit da ma sa medoo kemalig da owoy sa langun hinagtay da. Endà mebilang di sa kedoo etaw owoy sa kedoo hinagtay da kamiliyu enù ka medoo da temù, huanan di tigtu pinedaetan da iya wé tanà.

6Endà egpekegaga sa medoo tegeIslaél diyà sa medoo tegeMidiyan. Tigtu nepasangan da temù, huanan di migpegeni da dema tabang diyà si Datù Nemula.

7Na, egoh i Datù Nemula migdineg sa keingonoy sa medoo tegeIslaél danà da pinelihay sa medoo tegeMidiyan, 8pineangay di diyà kenagda sa tegesugkow kagi di. Guwaen di, “Ini sa kagi i Datù Nemula sa egpigtuuwen sa medoo tegeIslaél. Linaun di kiyu kedu diyà sa egoh yu

neudipen dutu Igiptu dò.
 9Inalukan di ma kiyu kedu diyà sa kepelihay sa medoo tegeIgiptu keniyu owoy kedu diyà sa egkegaga sa medoo liyu etaw egkuntelà keniyu diyà siini tanà. Hinemagawan di kagda egoh yu migseilud-ilud enù ka igbegay di diyà keniyu sa tanà da. 10Inikagiyan di ma kiyu kagdi si Datù Nemula sa egpigtuuwen yu, huanan di hinawidan di kiyu egpenemula sa medoo egpenemulawen sa tegeAmoliya, sa tapay etaw mig-ugpà diyà siini tanà kenà di migpeugpà keniyu. Dodoo endà egdinegdinegen yu duu sa inikagi di.”

11Agulé migtenà sa Egsugùsuguen i Datù Nemula diyà sa menuwa Opela owoy migpenuu diyà sa pesu kayu tugas. Na, iya sa épê di si Howas tugod i Abiyésal. Na egoh iya, telibubu eg-elik teligo Gidiyon i anak i Howas diyà sa nekelidung atung kenà da eghemeg sa bunga palas anì endà hauwen sa medoo tegeMidiyan duu. 12Egoh sa Egsugùsuguen i Datù Nemula migpehaa diyà si Gidiyon, mig-ikagi, guwaen di, “Eg-unutan doo i Datù Nemula kuna i mebalaw owoy mebagel etaw.”

13Migsagbì Gidiyon i, guwaen di, “O Datù, amuk tuu kami sa eg-unutan i Datù Nemula, maen di ya éhê ini i sa

egkebaelan kékini egoh di? Maen di ya endà egbaelan di duu sa medoo egkegaipan etaw igoh, lagà mendaan sa binaelan di egoh anay egoh di mig-uwit sa medoo tupù kékedu Igipu dò iling sa tinulon sa medoo lukes kékdiyà kenami? Dodox sinalidan i Datù Nemula polo kami. Enù ka amuk endà sinalidan di duu kami, maen di ya atu igpeukit di diyà kenami sa kepelihay sa medoo tegeMidiyan?”

14Agulé mig-ikagi Datù Nemula i diyà si Gidion, guwaen di, “Angay ko aluki sa medoo tegeIslaél anìmekelaunda kedu diyà sa kedatuuan sa medoo tegeMidiyan, enù ka dumuen sa dakel egkegaga ko danàku egsugùkeniko.”

15Migsagbì Gidion i, guwaen di, “O Datù, enùsa ukit kealuk ku sa medoo tegeIslaél? Enùka endàduen egkegaga sa malayan kékdiyàsaumpung tugod i Manasa, owoy aken sa tigtnekeleketanàdiyàsa malayan kék.”

16Agulé mig-ikagi Datù Nemula i, guwaen di, “Mekegaga ka doo umaluk sa medoo tegeIslaél enùka tabangan ku kuna. Tigtutabanan ko sa medoo tegeMidiyan lagàka daa egbalàsa segeetaw.”

17Migsagbì Gidion i, guwaen di, “Amuk tigtneketuwan ka diyàkenak,

pehauwi ko diyàkenak sa tandàkuna si Datù Nemula eg-ikagi diyàkenak. 18Amuk mebaluy, yaka pelawàeglegkàya, hih, taman endàduen sa kaenen mekebegay ku diyàkeniko.”

Guwaen i Datù Nemula, “Na, angatan ku taman pelikùka.”

19Huenan di, mig-angay Gidion i mig-imatay sa nati kambing, owoy tinabel di. Inilegà di ma sa sepulù owoy walukakilu alina anìbaelan di sa epan endàduen ipelenuk di. Egoh di nelegàdésa kaleni, dinalem di alat owoy dinalem di kuden sa sabaw di. Agulé igtènàdi diyàsa taengan sa Egsugùsuguen i Datù Nemula diyàsiedòpesukayutugas.

20Mig-ikagi sa Egsugùsuguen i Datù Nemula diyàkenagdi, guwaen di, “Tenai ko sa kaleni owoy sa epan diyàsiinidakel batu, owoy hudud ko ma dahiyasa sabaw di.” Hê, pinangunutan i Gidion sa igsugùdi. 21Agulé igtuedek sa Egsugùsuguen i Datù Nemula sa tukedsabsaandidiyàsiedòkaenen. Hê, petow démiglegleg sa apuy kedu diyàsa batu owoy neulow sa kaleni owoy sa epan, owoy nekedan ma désa Egsugùsuguen i Datù Nemula.

22Agulé netiigan i Gidion iya sa mig-ikagi diyàkenagdi sa Egsugùsuguen i Datù Nemula. Huenan di, tigtnelimedangan owoy guwaen di, “Aba! O Datù Nemula sa épédakel egkegaga.

Ngadan sa mebaelan ku ini egoh di enù ka hinaa ku owoy tinaeng ku ma sa Egsugùsuguen ko.”^e

23Dodox mig-ikagi Datù Nemula i diyà kenagdi, guwaen di, “Petanà ko sa pedu ko. Yaka egkelimedangan na, enù ka endà mematay ka.” 24Agulé binaelan i Gidiyon dahiya sa atung kenà da eg-ulow sa ibegay da diyà si Datù Nemula, owoy pinengadanan di iya wé si Datù Nemula sa Egpetanà Pedu Ta. Na, dahiya doo taman ini egoh di iya wé binaelan di diyà sa menuwa Opela kenà sa medoo tugod i Abiyésal eg-ugpà.^f

**Ini Sa Ego I Gidiyon
Migpangunut Diyà Sa
Igsugù I Nemula**

25Na, egoh di sumigep dé, mig-ikagi Datù Nemula i diyà si Gidiyon, guwaen di, “Angay ko sa keduwa maama sapi i Emà ko, sa pitu dé gepalay sa kelukes di.”^g Owoy angay ko ma lukat siedò atung kenà sa emà ko eg-ulow sa ibegay di diyà sa Baal, owoy kasing ko ma siedò kayu inetaw Astolot igbugsud medapag dahiya. 26Agulé baeli

ko sa atung kenà ko eg-ulow sa ibegay ko diyà kenak dutu siedò getan, aken i Datù Nemula sa egpigtuuwen ko. Pepion ko sa kebael ko, owoy amuk meubus ko dé, sekelengkeleng ko sa kayu inetaw Astolot enù ka iya sa temeg ko amuk ulowen ko sa maama sapi amuk egpenemulawen ko aken.”

27Huenan di, inuwit i Gidiyon sa sepulù geetaw diyà sa medoo egsuguen di, owoy binaelan da sa langun igsugù i Datù Nemula diyà kenagdi. Sigepe egoh da migbael enù ka egkelimedangan Gidiyon i sa medoo malayan di owoy sa medoo duma di diyà sa menuwa da.

28Na, egoh di magtu kesimag egoh sa medoo etaw mig-enaw, hinaa da nedaetan dé sa atung kenà da eg-ulow sa ibegay da diyà sa Baal, owoy nekedan ma dé sa kayu inetaw Astolot igbugsud medapag dahiya. Owoy neulow ma dé iya wé maama sapi diyà sa magtu atung kenà da eg-ulow sa ibegay da diyà si Nemula. 29Agulé egseigsaay da, guwaen da, “Ngadan di etaw sa migbael ini i?” Egoh da dé temù

^e 6:22 Basa ko Éksodo 33:20.

^f 6:24 Beken taman ini egoh di egoh ta nehagtay, dodoo taman daa sa egoh sa etaw migsulat ini i.

^g 6:25 Mebaluy ma guwaen di “Angay ko sa maama sapi i Emà ko owoy sa sebaen ma maama sapi pitu dé gepalay sa kelukes di.”

egseigsaay, netiigan da si Gidyon anak i Howas sa migdanà iya wé.

30Agulé mig-angay sa medoo ulu-ulù diyà si Howas, owoy guwaen da, “Pelesut ko sa anak ko anì imatayan ké, enù ka pinedaetan di sa kenà ta egimbà diyà sa Baal owoy kinasing di ma sa kayu inetaw Astolot medapag dahiya.”

31Dodox mig-ikagi Howas i diyà sa langun etaw egkuntelà kenagdi, guwaen di, “Enù di ya, sulian yu Baal i? Maen di ya egtugutan yu iya wé? Mepion pa amuk meimatayan sa etaw sumulian si Baal egoh di endà pa sumimag. Enù ka amuk tigut nemula kagdi i, sumulì doo danà di nedaetan sa atung kenà etaw di eg-ulow sa ibegay da diyà kenagdi.” 32Na, edung egoh iya, si Hélobaal dé sa kepengadan da si Gidyon danà iya wé inikagi i Howas, guwaen di, “Sumulì doo Baal i danà di nedaetan sa atung kenà etaw di eg-ulow sa ibegay da diyà kenagdi.”

33Agulé nesetipon sa medoo tegeMidiyan owoy sa medoo tegeAmalék owoy sa medoo liyu balangan etaw kedu diyà sa tanà denu tebowon agdaw, owoy migbatas da ma sa lawa't Holdan owoy migpetigdeg da ma kemalig diyà sa sugud Hésil. 34Agulé linuhub sa suguy i Datù Nemula Gidyon i. Huenan di, eghiyupen di sa

tegbuli di binaelan sidung kebilibili enù ka eg-umowen di sa langun maama tugod i Abiyésal anì umunut da diyà kenagdi. 35Pineuwitan di ma kagi sa medoo etaw diyà sa umpung tugod i Manasa owoy sa umpung tugod i Asél owoy sa umpung tugod i Sabulon owoy sa umpung tugod i Naptali. Hê, neseunut sa medoo etaw pineuwitan di kagi eg-angay diyà si Gidyon.

36Agulé mig-ikagi Gidyon i diyà si Nemula, guwaen di, “Amuk tuu sa inikagi ko aken sa hinemilì ko umaluk sa medoo tegeIslaél, duen sa egpegenyen ku diyà keniko. 37Ini egoh di itenà ku sa bulbul kebilibili diyà siini atung kenà ké eg-elik teligo. Amuk ini daa sa mepelè danà aglù amuk umenaw simag owoy amuk metikal doo sa tanà nekeulingut, metiigan ku doo aken sa hinemilì ko mekealuk diyà sa medoo tegeIslaél.” 38Hê, tuu doo iya sa nebaelan. Egoh di sumimag, miglapus mig-enaw Gidyon i enù ka inangay di egtelow. Egoh di migbelut sa bulbul kebilibili, nepenù wayeg aglù sa bilu.

39Agulé mig-ikagi dema Gidyon i diyà si Nemula, guwaen di, “Mepion amuk endà bulitan ko duu aken danà ini i egpegenyen ku dema diyà keniko, enù ka tepengan ku dema anì metiigan ku sa uyot ko. Ini sa ungayà ku metikal

siini bulbul kebilibili dodox
mepelê aglù sa tanà
nekeulingut.” 40Hê, egoh iya wé
sigep, hediya doo sa binaelan i
Nemula. Netikal iya wé bulbul
kebilibili dodox atung nepelê
danà aglù sa tanà ulingut di.

**Ini Sa Ego Da I Gidiyon
Miglugpì Sa Medoo TegeMidiyan**
(Tegekukum 7:1-22)

7 1Na, egoh di sumimag,
miglapus da mig-ipanaw
Gidiyon i sa pinengadanan da si
Hélobaal owoy sa langun etaw
di, owoy migpetigdeg da
kemalig medapag diyà sa
tebulan Halod. Denu belabagan
sa medoo tegeMidiyan diyà sa
sugud medapag diyà sa Getan
Moléh.

2Agulé mig-ikagi Datù
Nemula i diyà si Gidiyon,
guwaen di, “Temù medoo siini
etaw eg-unut diyà keniko. Iya
kéen sa penemdemen da
guwaen da danà sa hagda daa
egkegaga sa kelugpì da sa
medoo tegeMidiyan, beken
danà sa ketabang ku. 3Huenan
di, ikagi ko diyà kenagda anì
lumikù sa medoo etaw egpesu
eggila.” Hê, egoh i Gidiyon
mig-ikagi iya wé diyà kenagda,
miglikù sa duwa pulù owoy
duwa ngibu geetaw. Hê, salagsà
daen sa nesamà.

4Dodox mig-ikagi dema Datù
Nemula i diyà si Gidiyon,
guwaen di, “Tapay doo medoo
sa etaw ko. Huenan di, uwit ko
kagda diyà sa kilidan lawa't
wayeg. Amuk dutu yu, ipetiig
ku diyà keniko sa tayu di etaw
sa peunuten ko owoy sa endà
peunuten ko duu.” 5Agulé egoh
i Gidiyon mig-uwit kenagda
diyà sa lawa't wayeg, mig-ikagi
Datù Nemula i diyà kenagdi,
guwaen di, “Setigesa ko sa
medoo etaw migsakug belad da
daa owoy sa medoo etaw
migligkued tulen dé egduem.”
6Hê, telu latuh daa sa kedoo
etaw eg-inem egsakug belad,
dodox tulen dé migduem sa
medoo duma da.

7Agulé mig-ikagi Datù
Nemula i diyà si Gidiyon,
guwaen di, “Siedò telu latuh
etaw migsakug belad egoh da
mig-inem, iya daa sa peunut ko
mangay gumila diyà sa medoo
tegeMidiyan. Ipelugpì ku doo sa
medoo tegeMidiyan diyà keniyu
anì mealukan sa medoo
tegeIslaél. Dodox pelikù ko dé
sa medoo liyu etaw.” 8Huenan
di, pinelikù i Gidiyon sa langun
tegeIslaél liyu daa siedò telu
latuh geetaw pineipat di sa
medoo buyung^h da owoy sa
medoo tegbuli kinuwa di diyà
sa medoo etaw pinelikù di. Na,
diyà sa sugud leketanà da sa

h 7:8 Duen sa medoo buyung da enù ka iya sa tinaguan da kaenen.

kenà sa medoo tegeMidiyan migpetigdeg kemalig.

9Na, egoh iya wé sigep, sinugù i Datù Nemula Gidiyon i, guwaen di, “Enaw ka dé. Angay ko pengayaw sa medoo tegeMidiyan, enù ka ipelugpì ku kagda diyà keniyu. 10Dodoo amuk egpesu ka pelawà, uwit ko sa egsuguen ko si Pula anì mangay yu diyà sa kenà da migpetigdeg kemalig. 11Amuk dinegen ko sa keseolomoy da, kumebalaw ka doo mengayaw kenagda.” Agulé miglunzel Gidiyon i owoy si Pula mig-angay diyà sa kilidan sa medoo kemalig sa kuntelà da. 12Na, sa medoo tegeMidiyan owoy sa medoo tegeAmalék owoy sa medoo liyu balangan etaw kedu diyà sa tanà denu tebowon agdaw, nebelet da sa sugud kenà da migpetigdeg kemalig. Medoo da temù lagà sa kedoo kasuk, owoy endà ma mebilang di sa kedoo kamiliyu da enù ka lagà sa kedoo enay mantadan.

13Na, egoh da i Gidiyon mig-angay migdapag, dinineg da sa etaw migtulon sa tegeinep di diyà sa duma di. Guwaen di, “Egoh ku migtegeinep, hinaa ku sa segetibulu epan sebada nekelid eg-angay diyà sa kenà ta migpetigdeg kemalig. Neambakan di sa kemalig. Hê, nepilay owoy nelubun ma.”

14Migsagbì sa duma di, guwaen di, “Aba, endà duen sa

liyu selepangan iya wé liyu daa sa sundang siedò tegeIslaél, si Gidiyon anak i Howas. Enù ka iya sa pelugpien i Nemula diyà kenita i medoo tegeMidiyan owoy diyà siini medoo duma ta.”

15Na, egoh i Gidiyon migdineg iya wé tegeinep owoy sa selepangan di, miglikued eg-olò si Nemula. Agulé migpelikù da diyà sa kenà sa medoo duma da tegeIslaél mig-ugpà. Egoh da migtebow, inenaw di sa medoo duma di owoy guwaen di, “Téél yu dé, enù ka ipelugpì i Datù Nemula doo siini medoo tegeMidiyan diyà kenita.” 16Agulé binaed i Gidiyon telu gebaed sa telu latuh etaw di, owoy ighbegay di diyà sa uman sebaen etaw sa tegbuli owoy sa buyung inawuhan sulù. 17Mig-ikagi diyà kenagda, guwaen di, “Amuk medapag ki dé diyà sa kenà da migpetigdeg kemalig, hahaa yu sa baelan ku owoy ilingi yu ma. 18Amuk dinegen yu sa ketegbuli ké, tegbuli yu ma dé owoy petaled yu ikagi, guwaen yu, ‘Tumaban Datù Nemula i owoy si Gidiyon.’ ”

19Agulé egoh di buyu dé teliwadà sigep egoh sa medoo tegeMidiyan migsambì dé sa tegebantay da, mig-angay Gidiyon i owoy sa melatuh duma di migdapag diyà sa kenà sa medoo tegeMidiyan migpetigdeg kemalig. Hê,

migtegbuli da owoy pinesà da ma sa buyung da inawuhan sulù. 20Neseselengan sa telu geumpung etaw i Gidiyon migpesà sa medoo buyung da inawuhan sulù owoy egtegbuli da ma. Egsabà sulù sa bibang da owoy egsabà tegbuli sa kuwanan da. Migpetaled da ma eg-ikagi, guwaen da, “Tumaban Datù Nemula i owoy si Gidiyon.” 21Sineulingutan da daa egtigdegan sa kilidan sa medoo kemalig sa medoo kuntelà da. Dodoo migletu sa langun kuntelà da egpelaguy, owoy miglesing da ma danà da tigtu nelimedangan. 22Egoh da telibubu egtegbuli sa telu latuh geetaw i Gidiyon, migsetigbasay sa medoo kuntelà da tegeMidiyan danà i Datù Nemula. Nekepelaguy ma sa duma etaw, duen mig-angay diyà Bétsita selatal Séléla owoy duen ma mig-angay diyà sa menuwa Abél-Méhola medapag diyà Tabat.

Ini Sa Egoh I Samson Miglesut
(Tegekukum 13:1–5, 24, 25)

13 1Na, egoh di nelugaylugay dé, migbael dema salà sa medoo tegeIslaél diyà si Datù Nemula, huenan di etaw tegePiliṣiya sa pinesabà di diyà kenagda taman epat pulù gepalay.

2Na egoh iya, duen sa maama si Manowa tugod i Dan

eg-ugpà diyà sa menuwa Solah. Endà eg-anak sa sawa di. 3Agulé sebaen agdaw, migpehaa sa Egsugùsuguen i Datù Nemula diyà sa bayi owoy guwaen di, “Edung egoh ko migsawa taman ini egoh di endà eg-anak ka. Dodox endà melugay di kumelalingen ka owoy umanak ka maama. 4Huanan di, edung ini egoh di yaka eg-inem duu sa wain owoy sa medoo liyu inemen mekelangut, owoy yaka ma egkaen duu sa melihi egkaenen. 5Amuk lumesut sa anak ko maama, yaka egtagped duu sa balut ulu di, enù ka edung sa egoh di lumesut si Nemula dé sa épê di. Kagdi sa umedung umaluk sa medoo tegeIslaél kedu diyà sa egkegaga sa medoo tegePiliṣiya.”

24Agulé mig-anak maama sa sawa i Manowa, owoy pinengadanan di si Samson. Miglenuk dé sa batà owoy takaan i Datù Nemula egtabangan, 25owoy tinunungan sa Suguy i Datù Nemula egoh di diyà sa kenà sa medoo tugod i Dan migpetigdeg kemalig diyà sa neseteliwadaan menuwa Solah owoy menuwa Éstayol.

Ini Sa Egoh I Samson Migsawa

14 1Na, sebaen agdaw egoh i Samson mig-angay diyà sa menuwa Timnah, hinaa di sa kenogon tegePiliṣiya. 2Agulé egoh di

miglikù, tinulonon di sa emà di owoy sa inay di, guwaen di, "Hinää ku sa kenogon tegePilistiya dutu Timnah dò. Huenan di, pegeni yu diyà kenak enù ka sawaen ku."

3Dodox mig-igsà sa emà di owoy sa inay di diyà kenagdi, guwaen da, "Maen di ya egkeiyapan ko sumawa sa bayi sa medoo tegePilistiya endà eppigtuu diyà si Nemula? Enù di ya, endà duen sa bayi egkeiyapan ko sumawa diyà sa umpsungan ta ataw ka diyà sa medoo duma ta tegeIslaél?"

Dodox sinagbian i Samson sa emà di, guwaen di, "Iya polo sa egkeiyapan ku sumawa, huenan di kuwa yu diyà kenak." 4Na, endà netiigan sa emà di owoy sa inay di duu danà i Datù Nemula sa kekeiyap di sumawa sa tegePilistiya enù ka egbaelan i Nemula sa ukit di gumila diyà sa medoo tegePilistiya, enù ka egoh iya tegePilistiya sa egsabà sa tanà Islaél.

5Agulé mig-angay Samson i Timnah dò owoy mig-unut ma sa emà di owoy sa inay di enù ka pegeniyen da sa bayi sawaen di. Egoh da pelawà eg-ukit diyà sa dalan migtelek diyà sa hinemulaan palas, dinineg i Samson sa anak liyun eg-inigel kenagdi. 6Petow dé migkebagel Samson i danà sa Suguy i Datù Nemula. Huenan di, apiya di pa endà duen sa kinemkem di, sinebugtus di daa sa liyun lagà

daa ebugtus sa nati kambing. Dodox endà tinulonon di duu sa emà di owoy sa inay di sa binaelan di. 7Agulé inangay i Samson eg-olomon sa kenogon, owoy tigtu egkeiyapan di.

8Na, egoh di nelugaylugay, egpelikù dema Samson i enù ka pekawingan di sa kenogon. Egoh di nekeselatal diyà sa kenà di mig-imatay sa liyun, migselab enù ka inangay di egtelow sa inimatayan di. Egoh di mighaa, duen sa medoo temaing egbalay owoy épê teneb diyà sa liyun inimatayan di. 9Kinuwa di sa teneb owoy kinaen di egoh di telibubu eg-ipanaw. Mig-angay diyà sa emà di owoy sa inay di owoy binegayan di ma kagda owoy migkaen da ma. Dodox endà tinulon di duu diyà kenagda amuk kinuwa di diyà sa liyun inimatayan di.

10Na, egoh da i Samson migtebow, mig-angay sa emà di diyà sa dalesan siedò kenogon, owoy dahiya sa kenà i Samson migbael pista enù ka iya sa adat sa medoo melaud amuk sumawa da. 11Egoh sa medoo tegePilistiya mighaa kenagdi, pineangay da sa telu pulù melaud egpeduma diyà kenagdi. 12Agulé mig-ikagi Samson i diyà kenagda, guwaen di, "Pegeatukan ku kiyu, hih. Amuk mesagbian yu egoh di endà pa meelut sa kepitu di agdaw sa pista kawing, ibegay

ku diyà keniyu sa telu pulù mapulù kegal binaelan lino owoy sa telu pulù kegal tigtu mepion palas. 13Dodoo amuk endà mesagbian yu duu, aken polo sa mebegayan yu sa telu pulù mapulù kegal binaelan lino owoy sa telu pulù kegal tigtu mepion palas.”

Mig-ikagi da langun, guwaen da, “Na, tulon ko dé sa pegeatuk ko diyà kenami.”

14Agulé egpegeatuk Samson i, guwaen di, “Kedu diyà sa tegekaen, miglesut sa kaenen. Owoy kedu diyà sa mebagel, miglesut sa meemis.”

Na, taman telu agdaw endà pelawà egsagbian da duu iya wé igpegeatuk di. 15Agulé, egoh di neuma sa keepat di agdaw, mig-ikagi da diyà sa bayi sawaen i Samson, guwaen da, “Akali ko sa sawa ko anì metulon di diyà kenami sa ngadan sa igpegeatuk di. Amuk endà mangunut ka, temteman ké siini dalesan i Emà ko anì mikelapeg ka ma meulow.ⁱ Iya kéen sa pesuwan yu egpelenged kenami diyà siini pista anì mesapul sa langun taman ké.”

16Agulé mig-angay sa kenogon diyà si Samson. Egsinegaw egoh di eg-ikagi, guwaen di, “Egkelepuhan ko kéen aken. Endà eghiduwan ko duu aken, enù ka pinegeatukan

ko sa medoo duma ku tegePilstiya, dodoo endà tinulonon ko duu aken sa selepangan di.”

Migsagbì Samson i, guwaen di, “Taa ko, apiya sa emà ku owoy sa inay ku, endà tinulonon ku duu kagda, labi pa egtulonon ku kuna ya.” 17Agulé takà egsinegaw sa bayi owoy eglekleken di eg-igsaan Samson i taman meuma sa kepitu di agdaw sa pista kawing. Huenan di, egoh di neuma dé sa kepitu di agdaw, tinulon i Samson sa selepangan sa pegeatuk di, enù ka eglekleken sa sawa di eg-igsaan. Hê, egoh sa sawa di neketig, inangay di ma egtulon diyà sa medoo duma di tegePilstiya.

18Na, egoh di endà pa eg-eled sa agdaw sa kepitu di agdaw sa pista da, mig-angay sa medoo maama tegeTimnah diyà si Samson, owoy mig-ikagi da, guwaen da, “Enù di ya duen pa atu sa uman pa meemis amuk beken teneb? Enù di ya duen pa atu sa uman pa mebagel amuk beken liyun?”

Migpeligad Samson i diyà kenagda, guwaen di, “Amuk endà igdadu yu duu sa sapì ku, endà metiigan yu duu sa selepangan sa igpegeatuk ku.”

19Agulé petow dé migkebagel Samson i danà sa

ⁱ 14:15 Mebaluy ma guwaen di, “mekelapeg ka owoy sa malayan ko ma meulow.”

Suguy i Datù Nemula. Hê, mig-angay diyà sa menuwa Askelon owoy inimatayan di sa telu pulù tegePilistiya. Kinuwa di sa ginis da owoy igbegay di diyà siedò medoo etaw migtulon sa selepangan sa pegeatuk di. Agulé tigtu migbulit Samson i danà iya wé nebaelan, huenan di miglikù diyà sa dalesan sa emà di.

20 Dodox sa bayi sawa di, pinesawa sa nugangan di polo diyà sa maama miglambay kenagdi egoh da egkawingen.

**Ini Sa Egoh I Samson Migsulì
Diyà Sa Medoo TegePilistiya**

15 ¹Na, egoh di nelugaylugay, neuma dé sa sasang keketu teligo. Agulé mig-angay Samson i diyà sa sawa di anì mesehulid da owoy inuwit di ma sa nati kambing atang saluan sa sawa di. Egoh di migtebow, mig-ikagi diyà sa nugangan di, guwaen di, “Ungayà ku lumudep a diyà sa bilik sa sawa ku.”

Dodox endà pineludep sa nugangan di duu. ²Guwaen di diyà si Samson, “Iya sa penemdem ku endà dé mangay ka diyà sa sawa ko enù ka nelepuhan ko dé. Huenan di, igpesawa ku dé diyà sa loyuk ko. Dodox amuk meiyap ka, iya polo sa ipesawa ku diyà keniko sa hadi di, enù ka uman pa metolol diyà sa kakay di.”

³Migsagbì Samson i, guwaen di, “Danà iya wé binaelan ko, endà dé meselsel ko duu aken ini egoh di amuk duen sa ebaelan ku diyà sa medoo tegePilistiya.” ⁴Hê, inangay i Samson egsgikem sa telu latuh tinggalung. Agulé sinetagkes di sa ikug da tigduwa-duwaay owoy igpolot di sa sulù diyà sa ikug da. ⁵Agulé tinemteman di sa medoo sulù binaelan di owoy linengaan di sa medoo tinggalung diyà sa hinemulaan teligo sa medoo tegePilistiya. Hê, neulow sa hinemulaan da teligo, iling ka sa binagkes dé ataw ka sa endà pa kinetu, neimet da neulow. Owoy mineulow ma sa medoo kayu olibu.

⁶Agulé migseigaay sa medoo tegePilistiya, guwaen da, “Ngadan di etaw migdanà iya wé?” Agulé netiigan da si Samson migdanà iya wé danà sa nugangan di tegeTimnah migpesawa sa sawa di diyà sa sebaen loyuk di miglenged sa kawing di. Huenan di, inangay sa medoo tegePilistiya ma eg-ulow sa bayi owoy sa emà di. Na, tigtu migbulit Samson i, ⁷owoy guwaen di diyà kenagda, “Danà iya wé binaelan yu diyà kenak, ipengibet ku endà sumabuh a taman endà mekesulì a diyà keniyu.” ⁸Hê, eggebeken di kagda, owoy medoo temù sa etaw inimatayan di. Agulé mig-angay

eg-ugpà diyà sa takub delama diyà Itam.

9Agulé mig-angay ma sa medoo tegePilistiya migpetigdeg kemalig diyà sa tanà sa medoo tugod i Huda owoy migpengayaw da diyà sa menuwa Léhi. 10Agulé inigsaan sa medoo tegeHuda sa medoo tegePilistiya, guwaen da, “Maen di ya inangay yu kami egpengayaw?”

Migsagbì da, guwaen da, “Iya sa binaelan ké anì sigkemen ké Samson i enù ka sumulì ké diyà kenagdi danà sa medaat binaelan di diyà kenami.” 11Agulé duen telu ngibu geetaw tegeHuda mig-angay diyà sa takub delama diyà Itam. Egoh da migtebow, inigsaan da Samson i, guwaen da, “Enù di ya, endà netiigan ko duu kéen egsabaan sa medoo tegePilistiya daa kita? Maen di ya hediya sa binaelan ko diyà kenagda? Taa ko, hih, nekelapeg ké ma dé danà sa binaelan ko.”

Migsagbì Samson i, guwaen di, “Iya sa binaelan ku enù ka egsulì a ma danà sa binaelan da diyà kenak.”

12Mig-ikagi da dema, guwaen da, “Mig-angay ké dahini enù ka sigkemen ké kuna anì ihated ké kuna diyà sa medoo tegePilistiya.”

Guwaen i Samson, “Mebaluy doo iya wé amuk masad yu beken kiyu sa mimatay kenak.”

13Guwaen da, “Endà imatayan ké duu kuna. Dodoo sigkemen ké daa kuna anì ihated ké kuna diyà sa medoo tegePilistiya.” Hê, pinolot da sa duwa magtu tali, owoy inuwit da ma kedu diyà sa takub kenà di eg-ugpà.

14Egoh da migtebow diyà sa menuwa Léhi, miglukiyang sa medoo tegePilistiya ligò da egletu egtelabuk kenagdi. Dodoo petow dé pinebagel sa Suguy i Datù Nemula Samson i. Hê, binugtus di sa tali igpolot da kenagdi, lagà daa ebugtus sa tanul tapay neulow. 15Agulé egoh di eglangalanga, hinaa di sa negalgal tuelan bahà sa asnu magtu nematay. Hê, kinuwa di owoy ig-imatay di sa sengibu geetaw tegePilistiya. 16Huenan di, migduyuy Samson i, guwaen di,

“Danà sa tuelan bahà asnu daa, nekepatay a sa sengibu geetaw.

Danà sa tuelan bahà asnu daa, minedugkow sa medoo nematay.”

17Na, egoh i Samson neubus egduuy, igbuung di sa tuelan bahà. Pinengadanan da iya wé kenà Lamat-Léhi.*j*

j 15:17 Iya sa selepangan Lamat-Léhi diyà sa kagi Hibelu, Getan Tuelan Bahà.

18Agulé tigtu eglupahan Samson i. Huenan di, migpegeni tabang diyà si Datù Nemula, guwaen di, "Pinetaban ko dé aken, dodox buyu a dé egkematay danà ku eglupahan. Amuk hediya, mesikem a dema sa medoo tegePilistiya endà egpigtuu diyà keniko." 19Hê, pinelesì i Nemula sa tanà diyà Léhi anì lumesut sa wayeg anì mekeinem Samson i. Egoh di mig-inem, migkebagel dema sa nanam lawa di. Na, pinengadanan da iya wé tebulan Hakolé^k owoy dahiya doo sa tebulan diyà Léhi taman ini egoh di.

20Na, duwa pulù gepalay sa lugay i Samson neulu-ulù diyà sa medoo tegeIslaél egoh sa tegePilistiya egsabà sa tanà da Islaél.

Ini Sa Binaelan I Samson Diyà Sa Menuwa Gasa

16 1Na, sebaen agdaw mig-angay Samson i diyà Gasa sa menuwa tegePilistiya kenà di mighaa sa bayi tegepediyangdang. Agulé inangay di mighulid. 2Hê, netiigan sa medoo tegeGasa dahiya Samson i, huenan di sineulingutan da sa kenà di owoy duen ma sa egbantay elut sigep diyà sa bengawan sa kutà menuwa. Endà egdagì da

ebtantay meelut sigep, enù ka iya sa penemdem da angatan da daa taman sumimag anì imatayan da Samson i. 3Dodox egoh di teliwadà sigep, mig-enaw Samson i owoy mig-angay diyà sa bengawan sa kutà menuwa. Agulé sinabaan di sa pintù di. Hê, binadut di sa duwa bugsud di lapeg sa pakel di ma. Tiniang di owoy inuwit di diyà sa kogol getan selatal sa menuwa Hibelon.

Ini Denu Si Samson Owoy Si Dalila

4Na, egoh di nelugaylugay, duen sa bayi tigtu egkeiyapan i Samson diyà sa sugud Solék, si Dalila. 5Agulé duen lima datù tegePilistiya mig-angay diyà si Dalila owoy mig-ikagi da, guwaen da, "Akali ko Samson i anì tulonen di diyà keniko sa pesuwan di temù mebagel anì dumuen sa ukit ké sumigkem kenagdi anì melugpì. Amuk baelan ko iya wé, uman sebaen kenami begayan ké kuna sigpuluay owoy telu kakilu pilak."

6Huenan di, inigsaan i Dalila Samson i, guwaen di, "Ngadan sa pesuwan ko temù mebagel? Upama amuk duen etaw egkelukuy egsigkem keniko, ngadan sa ukit kebael di keniko anì endà mekeatu ka?"

k 15:19 Iya sa selepangan Hakolé sa Tebulan Tegeumow Diyà si Nemula.

7Migsagbì Samson i, guwaen di, "Amuk poloten da aken sa pitu magtu tagbes busug endà pa netikal di, mekedan sa kebagel ku owoy lagà a daen sa kebagel sa liyu etaw."

8Agulé igbegay sa medoo datù tegePilstiya diyà si Dalila sa pitu magtu tagbes endà pa netikal di owoy pinolot di Samson i. 9Na, duen ma sa medoo tegePilstiya pinelidung di diyà sa sebaen ma bilik. Hê, pinetaled i Dalila sa kagi di, guwaen di, "O Samson, medapag dé dumagpak sa medoo tegePilstiya." Agulé binugtus i Samson sa tagbes igpolot diyà kenagdi lagà daa ebugtus sa tali eg-ulowen. Huenan di, tapay doo endà netiigan da duu sa pesuwan di tigtu mebagel Samson i.

10Agulé mig-ikagi Dalila i diyà si Samson, guwaen di, "Ay, egselapanen ko daa aken, owoy tigtu ebugtus sa tali eg-ulowen. Na, tulon ko polo diyà kenak sa ukit etaw molot keniko."

11Migsagbì Samson i, guwaen di, "Amuk mepolot a sa magtu tali endà pa ginamit di, mekedan sa kebagel ku owoy lagà a daen sa kebagel sa liyu etaw."

12Agulé kinuwa i Dalila sa magtu tali owoy pinolot di Samson i, ligò sa medoo

tegePilstiya eg-angat-angat diyà sa sebaen ma bilik. Egoh di migpolot dé, pinetaled di dema sa kagi di, guwaen di, "O Samson, medapag dé dumagpak sa medoo tegePilstiya." Hê, binugtus i Samson dema sa tali lagà daa ebugtus tanul.

13Huenan di, inikagiyani i Dalila dema Samson i, guwaen di, "Taman ini egoh di egselapanen ko daa aken owoy tigtu ebugtus sa tali eg-ulowen. Na, tulon ko polo diyà kenak sa ukit etaw molot keniko."

Migsagbì Samson i, guwaen di, "Amuk habelen ko sa balut ulu ku diyà siedò habelan ko owoy peelesen ko ma sumegseg sa kayu di, mekedan sa kebagel ku owoy lagà a daen sa kebagel sa liyu etaw."

14Agulé pinetudug i Dalila dema Samson i, owoy hinabel di diyà sa habelan di sa balut ulu i Samson,^l owoy pineles di egseseg. Hê, pinetaled di dema sa kagi di, guwaen di, "O Samson, medapag dé dumagpak sa medoo tegePilstiya." Hê, mig-enaw Samson i owoy hinugdus di sa balut ulu di kedu diyà sa habelan.

15Agulé guwaen i Dalila dema diyà kenagdi, "Maen di ya inikagi ko eghiduwani ko aken? Endà tuu di humabes, enù ka taa ko, telu dé gulê sinelapanan

^l 16:14 Duen gaa sa pitu geselapid balut ulu di.

ko aken, owoy endà ma egtulonen ko duu diyà kenak sa pesuwan ko tigtu mebagel.” 16Uman agdaw takà eg-igsà sa bayi taman tigtu dé egketepalan Samson i danà di egkeleklek sa keigsà di. 17Huenan di, tinulon di dé sa tigtu tuu diyà kenagdi. Guwaen di, “Edung egoh ku miglesut, endà duen sa kenà di tinagped sa balut ulu ku enù ka si Nemula sa épê ku. Enù ka amuk metaged sa balut ulu ku, mekedan sa kebagel ku owoy kumelungoy a ma lagà a daen sa kebagel sa liyu etaw.”

18Na, netiigan i Dalila tinulon i Samson sa tigtu tuu diyà kenagdi, huenan di pineuwitan di kagi sa medoo datù tegePilistiya. Guwaen di, “Angay yu dema dahini, enù ka tinulon di dé diyà kenak sa tuu kagi.” Hê, mig-angay dahiya sa medoo datù owoy inuwit da ma sa pilak ibegay da diyà kenagdi. 19Agulé pinedanan i Dalila Samson i diyà sa bubun di anì meketudug. Egoh di neketudug dé, igpetagped di diyà sa liyu etaw sa balut ulu i Samson. Hê, inedungan di dé egpelihay Samson i enù ka nekedan dé sa kebagel di. 20Agulé pinetaled i Dalila dema sa kagi di, guwaen di, “O Samson, medapag dé dumagpak sa medoo tegePilistiya.” Hê, mig-enaw Samson i owoy iya sa penemdem di endà mesikem di éhê sa nebaelan di egoh muna.

Dodoo endà netiigan di duu sinalidan dé i Datù Nemula.

21Hê, sinigkem sa medoo tegePilistiya Samson i owoy linesò da sa mata di. Agulé inagak da mig-angay diyà sa menuwa Gasa. Pinolot da ma sangkalì galang owoy igpetilis da ma kenagdi sa dakel batu gilingan diyà sa bilangguwan. 22Dodoo egoh di diyà sa bilangguwan, eg-anay-anay dema egketaes sa balut ulu di.

Ini Sa Egoh I Samson Nematay

23Na, sebaen agdaw nesetipon sa medoo datù tegePilistiya anì mista da owoy ibegay da ma sa medoo hinagtay inimatayan da diyà sa egpenemulawen da si Dagon. Migduyuy da, guwaen da, “Igpelugpì sa nemula ta diyà kenita sa kuntelà ta si Samson.” 24,25Tigtu neanggan da, huenan di igsugù da Samson i anì pelononon da. Egoh da mighaa kenagdi inuwit kedu diyà sa bilangguwan, migduyuy da eg-olò sa nemula da, guwaen da, “Igpelugpì sa nemula ta diyà kenita siini kuntelà ta sa migpedaet sa tanà ta owoy sa mig-imatay sa medoo duma ta.” Agulé egsuguen da egpeselapan owoy egpetigdegen da diyà sa neseteliwadaan sa duwa dakel bugsud.

26Agulé mig-ikagi Samson i diyà sa batà atung eg-agak kenagdi, guwaen di, “Pesabai

ko kenak sa duwa dakel bugsud siini dalesan^m enù ka ungayà ku sumagdig a dahiya.” 27Na, tigtu nebelet etaw iya wé dakel dalesan, maama owoy bayi. Dahiya ma sa langun datù tegePilistiya, owoy nekeuma telu ngibu sa kedoo da maama owoy bayi diyà sa atep di mepatag kenà da eghahaa si Samson egpeselapanen da.

28Agulé migsimbà Samson i, guwaen di, “O Datù Nemula, hiduwi ko aken. Eggogeni a diyà keniko segulè ko pa aken pebagel anì mekesulì a diyà siini medoo tegePilistiya ini egoh di danà da miglesò sa mata ku.” 29Agulé sinebalà i Samson egsabaan sa duwa dakel bugsud sa dalesan owoy migtikadel ma. 30Pinetaled di sa kagi di, guwaen di, “Pandayà ko

dé aken anì meseselengan ké dé mematay sa medoo tegePilistiya.” Agulé pinebagelan i Samson egsegela sa duwa dakel bugsud. Hê, nelubunan sa dakel dalesan sa medoo datù tegePilistiya owoy sa langun etaw dahiya. Huenan di, uman pa sa kedoo etaw inimatayan i Samson egoh di nematay ma dé diyà sa kedoo etaw inimatayan di egoh di nehagtay pelawà.

31Agulé inangay sa medoo hadi di owoy sa medoo duma telahadi di Samson i, enù ka ilebeng da diyà sa tapay kenà lebeng sa emà di, si Manowa, diyà sa neseteliwadaan sa menuwa Solah owoy menuwa Éstayol. Na, duwa pulù gepalay sa lugay i Samson kaunutan diyà sa medoo tegeIslaél.

^m 16:26 Sa dakel dalesan sa kenà da egpenemula sa nemula da si Dagon.